

ЯНГИЕВ БАХТИЁР АХМЕДОВИЧ (ТАВАЛЛУДИНИНГ 60 ЙИЛЛИГИГА)

2025 йил 29 январ кўни мамлакатимизнинг таниқли шифокор-хирурги, Республика шошилич тиббий ёрдам илмий марказининг Навои, Сурхондарё, кейинчалик Самарқанд филиалларини узоқ йиллар муваффақиятли бошқарган, соғлиқни сақлашни ташкил этиш соҳасидаги етакчи раҳбар мутахассислардан бири, Самарқанд давлат тиббиёт университети «II госпиталь хирургия» кафедраси доценти, тиббиёт фанлари номзоди Янгиев Бахтиёр Ахмедович таваллуд тоғганига 60 йил тўлди.

Б.А. Янгиев 1965 йилда Тошкент шаҳрида мамлакатимизнинг таниқли хирурги профессор Янгиев Ахмед Ходжаевич оиласида таваллуд тоғган. Оиласидаги ўзига хос муҳит, отасининг ўз касбига бўлган фидокорлиги, ҳамкасблари ва шогирдларининг ўз устозига бўлган чуқур ҳурмати ва иззати таъсирида Бахтиёр кичик ёшидан оқ тиббиётга, айниқса, хирургияга катта қизиқиш билдира бошлади.

1982 йилда ўрта мактабни олтин медал билан якунлаб, отасининг касбини давом эттириш мақсадида шў йили Тошкент давлат тиббиёт институтининг 1-даволаш факультетига ўқишга кирди. Талабалик даврида Б.А. Янгиев хирургия асосларини катта қизиқиш билан ўргана бошлади, доимий равишда «Умумий хирургия» кафедрасида ташкил қилинган илмий тўғаракларда ўз билими ва кўникмаларини ўта меҳнатсеварлик ва билимга чанқоқлиги билан бойитиб келди, тез орада иқтидорли талабалар сафидан ўрин олди. Институтнинг юқори курсларида қўшимча равишда Тошкент шаҳар тез тиббий ёрдам кли-



ник шифохонасининг хирургия бўлимида тиббий биродар сифатида ҳам фаолият олиб борди.

1988 йилда институтни тавомлаган Б.А. Янгиев касбий фаолияти давомида хирург-шифокор ўтиши лозим бўлган барча босқичларни босиб ўтиб, соҳанинг сир-синаотларини мукамал ўзлаштирган ҳамда малакали мутахассис сифатида шаклланди. Хусусан, 1988–1989 йилларда Тошкент шаҳридаги Чкалов номидаги Авиация ишлаб чиқариш бирлашмасининг тиббий-санитария қисмида интерн-шифокор лавозимида ишлаган. 1989–2003 йилларда академик В.В. Воҳидов номидаги Республика ихтисослаштирилган хирургия марказида хирург, катта илмий ходим сифатида самарали фаолият олиб борди. Бу даврда у нафақат юқори малакали амалиётчи шифокор, балки иқтидорли илмий ходим сифатида ҳам шаклланди.

Баҳодир Янгиев ўзининг асосий касбий ва илмий қизиқишларини хирургиянинг энг мураккаб йўналишларидан бири — қизилўнгач хирургиясига қаратди. 1994 йилда устози про-

фессор Абдуҳаким Мўминович Хаджибаев раҳбарлигида «Современные аспекты лечения кардиоспазма методом кардиодилатации» мавзусидаги номзодлик диссертациясини муваффақиятли ҳимоя қилди.

2003 йилда профессор А.М. Хаджибаевнинг тавсиясига кўра, ўша йилларда янги ташкил этилган Республика шошилич тиббий ёрдам илмий марказининг шошилич хирургия бўлимига катта илмий ходим сифатида ишга қабул қилинди. Ушбу лавозимда нафақат малакали хирург ва иқтидорли тадқиқотчи, балки кучли ташкилотчи сифатида ҳам намоён бўлди. У шошилич хирургия соҳасидаги замонавий ёндашувларни амалиётга татбиқ этиш, беморларга сифатли ва тезкор ёрдам кўрсатишни янада такомиллаштириш йўналишларида фаол иш олиб борди.

Бахтиёр Ахмедович 2005 йилда ёш бўлишига қарамасдан, Республика шошилич тиббий ёрдам илмий марказининг Навоий филиали директори лавозимига тайинланди. У ушбу масъулиятли вазифада 2012 йилга қадар самарали фаолият юритиб, тиббиёт соҳасидаги юксак хизмати учун бир қатор мукофотлар билан тақдирланди. 2012–2017 йилларда Республика шошилич тиббий ёрдам илмий марказининг шошилич хирургия бўлимида катта илмий ходим сифатида ишлаб, амалиёт ва илмий тадқиқотларни уйғун тарзда олиб борди. 2017 йилда унинг бой раҳбарлик тажрибаси ва кучли етакчилик қобилиятлари инобатга олинган ҳолда, Республика шошилич тиббий ёрдам илмий марказининг Сурхондарё филиали директори лавозими-

га тайинланди. 2020 йилдан ҳозирги кунга қадар Республика шошилич тиббий ёрдам илмий марказининг Самарқанд филиали директори лавозимида фаолият юритиб келди.

Унинг раҳбарлигида ушбу тиббий муассасаларда шошилич тиббий ёрдам сифатини ошириш, замонавий диагностика ва даволаш усулларини жорий этиш, тезкор ва самарали тиббий ёрдам кўрсатиш тизимини такомиллаштириш бўйича кенг кўламли ишлар амалга оширилди. Хусусан, 2023 йилда РШТЎИМ Самарқанд филиалининг янги бинолар мажмуаси ишга туширилди ва энг замонавий тиббий асбоб-ускуналар билан жиҳозланди. У бошқарган барча филиалларда малакали тиббий кадрларни тайёрлаш ва ёш мутахассисларга ўстозлик қилишга катта эътибор қаратди. Шунингдек, филиалларнинг моддий-техник база-

сини мустаҳкамлаш, тиббий жиҳозларни янгилаш, халқаро тажрибаларни жорий этиш ва беморларга шошилич тиббий ёрдам кўрсатишни халқаро стандартларга мослаштириш борасида самарали ташаббусларни илгари сурди, бир қатор юқори технологик мураккаб хирургик амалиётларни, жумладан, кардиохирургик ва аъзолар трансплантацияси операцияларини татбиқ қилди. Россия Федерацияси, Белоруссия ва Туркиянинг етакчи клиникалари билан ўзаро самарали ҳамкорлик ўрнатди. 2021 йилда Самарқанд шаҳрида ўтказилган «Шошилич тиббиётда каминвазив технологияларнинг ўрни ва аҳамияти» мавзусидаги халқаро илмий-амалий конференцияни аъло даражада ташкиллаштирди ва ўтказди. 2021 йилда Соғлиқни сақлаш вазирлигининг «Соғлиқни сақлаш аълочили» кўкрак нишони, 2023 йилда Самарқанд вилоят

ҳокимлигининг «Йилнинг энг яхши тиббиёт ташкилотчиси» мукофоти билан тақдирланди.

Ўзининг илмий-амалий фаолияти давомида 200 дан ортиқ илмий мақолалари республика ва хорижий мамлакатларининг нуфузли нашрларида чоп этилган. Ундан ташқари 2 та патент ва 2 та монографиянинг муаллифи ҳамдир.

Ўзбекистон шошилич тиббий ёрдам врачлари ассоциацияси, «Шошилич тиббиёт ахборотномаси» журнали таҳририяти ва Республика шошилич тиббий ёрдам илмий маркази раҳбарияти барчамиз учун қадрли Бахтиёр Ахмедовични 60 йиллик муборақ ёши билан самимий табриклаб, унга мустаҳкам соғлиқ, узоқ умр, оилавий бахт-саодат ва касбий фаолиятида янги ютуқлар тилайди!